

GO DIRISA METSI KA BOTLHALE

TOGAMAANO YA NAGA YA AFRIKA BORWA MALEBANA LE METSWEDI YA METSI

Lekwalo la Tshedimosetso

August 2002

O LALEDIWA GO AKGELA

Lekwalo leno la tshedimosetso le teng ka dipuo tse 11. Le tlotlomatsa dikgang tsa botlhokwa jo bogolo mo Kakaretso ya Togamaano e e Akantshiwang ya Naga Malebana le Metswedi ya Metsi e e neng ya gatisiwa gore go akgelwe ka yone mo Government Gazette ka August.

Lemororo Lephata la Merero ya Metsi le Dikgwa le setse le boditse batho mabapi le dikarolo dingwe tsa Togamaano eno, go utlwa maikutlo a lona malebana le Togamaano eno yotlhe go botlhokwa.

Tsweetswee dira gore o bo o akgetse ka Labotlhano 31 January 2003

O na le ditsela di le dintsi tse o ka akgelang ka tsone: Tlatsa pampiri ya dikakgelo e e tsentsweng mo, kwala lekwalo, romela e-mail, kgotsa nna teng kwa go nngwe ya dipokano tsa go botsa batho tse di tla tshwarwang go kgabaganya naga yotlhe magareng ga September le November 2002 (bona tlhatlhamano kwa bofelong jwa lekwalo leno).

Re kopa gore o thuse mo go abeleng batho ba go ya ka ditiragalo ba neng ba tlhoka thuso ya puso lekwalo leno, go akaretse le bahiriwa ba gago. O ka bona dikopi tse di oketsegileng go tswa go:

NWRS Public Consultation Office

Ms Toni Pietersen / Ms Qondile Sibiya

P O Box 95823, Waterkloof, 0145

Tel: (012) 362 0848;

Fax: (012) 362 0869

Email: toni@liaison.co.za kgotsa qondile@liaison.co.za

Tokololo e e feletseng kgotsa kakaretso ya Togamaano e e Akantshiwang e teng mo mafelong a morafe go kgabaganya naga (bona tlhatlhamano kwa bofelong jwa lekwalo leno)

Kgotsa mo go: www.dwaf.gov.za
Gape o ka akgela mo website eno.

Lephata la Merero ya Metsi le Dikgwa le ntshitse Togamaano e e Akantshiwang ya Naga Malebana le Metswedi ya Metsi gore batho ba Afrika Borwa ba akgele ka yone.



Togamaano ya Naga Malebana le Metswedi ya Metsi e tlhalosa ditsela tse metswedi ya metsi mo Afrika e tla sirelediwang, e dirisiwang, e tlhabololwang, e somarelwang, e tsamaisiwang le go laolwa ka teng.

Ka gone Togamaano eno e ka nna ya ama tsela e rotlhe re dirisang metsi ka yone le go a tsaya e le a a botlhokwa, go botlhokwa gore batho ba akgele ka Togamaano eno e e Akantshiwang.

1. KE KA NTLHAYANG FA RE TLHOKA TOGAMAANO?

Metsi a a tshedisa. A nosetsa masimo a balemi; a nosetsa dijalo ebile a nosa leruo la batho ba metse-selegae; a naya boitlosobodutu; a tshegets a go dirwa ga motlakase wa rona, ditrope tsa rona le metse-setoropo, meepo ya rona, madirelo a rona le ditlhare le diphologolo tse e leng bontlhannngwe jwa boswa jwa rona jwa tlhologo.

Metsi a a ka ikanngwang, a a siameng go nowa, metsi a go tsamaisa leswe le a go boloka bophepa le metsi a go godisa dijalo a botlhokwa thata go namola khumanego mo Afrika Borweng. Go tlhabololwa ga metse-selegae le go ntshafadiwa ga metse-setoropo ka bobedi go ikaegile ka metsi gore go fithelelwe mekgele eo.

Boikarabelo jwa konokono jwa Lephata la Merero ya Metsi le Dikgwa ke go tthomamisa gore metsi a a lekaneng a boleng jo bo space dumelelwang a teng go kgotsafatsa ditlhoko tsa batho le go tshegets a tlhabololo ya merero ya itsholelo le ya batho.

Lefa go ntse jalo, Afrika Borwa ke naga ya komelelo. Ga rena metsi a a kalo. Palo ya batho ba rona e golela pele. Go na le tlhokego e e ntseng e oketsega ya tlhabololo ya metse-setoropo le ya itsholelo le tlhokego e e oketsegang ka metlha ya metsi. Ka nako e e tshwanang, ditiro tsa batho di baka kgotlelo ya tikologo le mathata a boleng jwa metsi.

Jaaka naga fela, re ka se kgone go lwantshana fela le mathata a boleng jwa metsi le go tlhokega ga metsi jaaka a ntse a tlhaga. Re tlhoka leano le le rulaganeng la nako e telele go emelana le dikgwetlho tseno, le go bontsha kafa Mo-Afrika Borwa mongwe le mongwe le nngwe a ka nngwe le seabe ka gone. Seno ke boikaelelo jwa Togamaano ya Naga Malebana le Metswedi ya Metsi.

2. A TOGAMAANO YA NAGA MALEBANA LE METSWEDI YA METSI E TSAMAISSANA LE MOLAO- MOTHEO WA AFRIKA BORWA

Molao-motheo ke molao wa naga o o kwa godimo go feta yotlhe. Molao yotlhe e mengwe e tshwanetse go tsamaisanngwa le Molao-motheo.

Molao-motheo wa re mongwe le mongwe o na le tshwanelo ya go nna le dijo tse di lekaneng le metsi le gore mongwe le mongwe o na le tshwanelo ya go nna mo tikologong e e sa kakeng ya gobatsa botsogo jwa gagwe kgotsa go tshela sentle.

Gape Afrika Borwa e saenne Agenda 21, e e leng leano la dinaga la tlhabololo e e ka tshagediwang ka nako e telele.

Molao-motheo le Agenda 21 di ne tsa kaela Molawana wa Naga wa Metsi o mosha wa 1997. Molawana ono o tshalosa kafa metsi a tla laolwang sentle ka teng le go abiwa go ya ka mekgwa ya rona e mesha jaaka morafe.


Go dira gore molawana wa metsi o dirisiwe, go ne ga kwalwa Molao-tlamo e mesha e mebedi mme ya saenwa gore e nne molao:

Molao-tlamo wa Metsi wa Naga (Molao-tlamo 36 wa 1998)

- Molao-tlamo o o dirisana le tsamaiso ya metswedi ya metsi. Boikaelelo ja one ke go tihomamisa gore go tla nna le metsi a ditlhoko tsa motheo tsa batho le a tlhabololo ya itsholelo mo nakong eno le mo isagweng. Togamaano ya Naga Malebana le Metswedi ya Metsi e dirisana le karolo eno ya tsamaiso ya metsi.

Molao-Tlamo wa Ditirelo tsa Metsi (Molao-tlamo 108 wa 1997)

- Molao-tlamo ono o naya batho tshwanelo ya tiriso ya motheo ya metsi le go tsamaisiwa ga leswe. O dirisana le kafa bao ba tlamelang ka metsi, jaaka makgotla a metsi le bommasepala ba nayang metsi ao a dirisiwang mo malapeng le mo madirelong.



Setshwantsho 1. Molao-motheo wa Afrika Borwa le Agenda 21 di ne tsa kaela Molawana wa Naga wa Metsi wa 1997. Molawana oo o ne wa re fa ponelo-pele ya bokamoso jo bo botoka mo Afrika Borwa. Molao-tlamo wa Naga wa Metsi wa 1998 o ne wa re naya didirisiwa tsa semolao tsa go fitlhelela ponelo-pele eo. Togamaano ya Naga Malebana le Metswedi ya Metsi ke thulaganyo ya naga ya go diragatsa ponelo-pele eo.

Togamaano ya Naga Malebana le Metswedi ya Metsi ga e dirisane le dikgang tse. Go na le thulaganyo e sele ya go naya batho metsi le go tsamaisiwa ga leswe. Ditsela tse balaodi ba mafelo ba tla tlamelang badirisi ba metsi ka ditirelo tsa metsi ka teng di tla tshalosiwa mo Maanong a Tlhabololo ya Ditirelo tsa Metsi a balaodi bongwe le bongwe jwa ditirelo tsa metsi bo tshwanetseng go a rulaganya.

3. GO FAROLOGANE JANG LE NAKO E E FETILENG?

Molawana wa rona wa metsi le Molao-tlamo wa Naga wa Metsi e bontsha gore metsi a tla laolwa le go abiwa ka tsela e e farologaneng mo nakong e e tlang:

- Metsi ke motswedi wa tlhologo. Ke a batho botlhe ba Afrika Borwa. Lephata leno le tshwanetse go tlhokomelela batho botlhe ba Afrika Borwa motswedi ono (metsi le tikologo ya one).
- Tshwanelo e le yosi e batho ba nang le yone ka metsi ke ya ditlhokego tsa bone tsa motheo (ka sekai, go apaya, go nwa le go iphepafatsa) le ya tikologo. Seno se bidiwa "Raseboa" mo Molao-tlamong wa Naga wa Metsi. Lephata leno le ka aba metsi morago ga metsi a Raseboa a sena go beelwa kwa thoko fela.
- Molao-tlamo wa re batho ba tshwanetse go tsaya karolo mo bolaoding jwa metswedi ya metsi. Go laolwa ga metswedi ya metsi ga go na go nna kalo. Go dira seno, Molao-tlamo o dirile gore go nne le makgotla a batho ba ka tsayang karolo kwa go one.
- Metswedi ya metsi e tla laolwa e sa kgaogangwa. Dinoka, matamo, megobe, naga e e dikologileng, metsi a kafa tlase ga lefatshe, gammogo le ditiro tsa batho tseo di e amang, tsoitlhe di tla laolwa e le tikologo e le nngwe fela.

4. BOEMO JWA METSWEDI YA METSI MO AFRIKA BORWA KE ENG GOMPIENO?

4.1 A re na le metsi a a lekaneng?

Afrika Borwa ke naga ya komelelo. Selekanyo-kakaretso sa rona sa pula e ka nna 450 mm ka ngwaga. Seno se kwa tlase thata ga selekanyo-kakaretso sa lefatshe se e ka nnang 860 mm ka ngwaga. Go na ga pula go farologana fela thata ngwaga le ngwaga. Gape naga e tshabelelwa ke komelelo.

Dinoka tsa Afrika Borwa di dinnye thata fa di bapisiwa le dinoka tsa dinaga tse dingwe. Noka ya Orange e na le metsi a a ka nnang 10% fela ya metsi a a leng mo Nokeng ya Zambezi. Metsi a a mo dinokeng tsothe tsa Afrika Borwa fa a kopantswe a kwa tlase ga a Nokeng ya Zambezi. Gape dinoka tse dintsi tsa rona tse dikgolo, tse di tshwanang le ya Orange/Senqu le ya Limpopo, di fetela le mo dinageng tse dingwe tse di dirisang metsi a dinoka tseno.

Tshekatsheko e e dirilweng ke Lephata leno e bontsha gore mafelo a taolo a le 11 mo go a le 19 (bona Setshwantsho 3) mo nageng eno a na le bothata jwa metsi. Mo mafelong a, batho ba dirisa metsi a mantsi thata mo tikologo e imelwang thata, mme badirisi ba bangwe ba metsi ga ba kgone go bona karolo ya bone e e lekaneng ya metsi.

Metsi a a kwa tlase a botlhokwa thata mo mafelong a metse-selegae, mme, Afrika Borwa e na le metsi a a kwa tlase a dipetse a sekae a a ka diriwang ka selekanyo se segolo.


4.2 A metsi a rona a siame?

Ga se metsi otlhe a rona a a siameng. Mangwe a one a kgotletswe. Letsatsi lengwe le lengwe, go kgabaganya naga, mekgatlo le batho ba ama oleng jwa metsi mo dinokeng tsa rona le dinokaneng, metsi a rona a k w a tlase le megobe ya rona. Le batho ba ba dirisang metsi mo gae ba ama boleng jwa metsi ka go tshololela dipente, dioli kgotsa dilo tse dingwe tse


Mathata a magolo a boleng jwa metsi mo Afrika Borwa a bakwa ke metsi a a leswe a a tswang kwa madirelong le kwa meepong, mo menontshaneng ya temo, ke kgogolo ya mmu, leswe le le tswang mo matlong, matlakala a a sa latlhiweng le ditiro tse dingwe tse dintsi. Dilo tseno di baka mathata a boleng jwa metsi a a tshwanang le metsi a a letswai, metsi a a nang le asiti, go kgotlelwa ke ditshidinyana le go kgotlelwa ke dilo tse di nang le bothole. Kgotlelo ya metsi e baka mathata a mantsi. Ka sekai, ditshidinyana tse di tsenang mo metsing ka matlakala a a sa latlhiweng di ka baka bolwets jwa kholera, jo bo ka bolayang batho. Gape, go phepafatsa metsi a a kgotletsweng mo a ka boelang a dirisiwa gape go ja madi a mantsi, mo go rayang gore batho ba tshwanela go duela madi a a oketsegileng a metsi. ya kgona ya tilwa.

4.3 A re dirisa metsi sentle?

Mo e ka nnang 60% ya metsi otlhe a a mo nageng eno a dirisiwa mo temong go nosetsa. Metsi a a diriswang mo matlong le mo toropong e ka nna 11% mme meepo le madirelo a mangwe a magolo a dirisa 8%. Masimo a dikgwa tsa kgwebo a dirisa 8%. Maphata mangwe a itsholelo a a tshwanang le go dirwa ga motlakase a dirisa metsi a mannye go godisa letseno la madi la naga le batho ba yone (se se bidiwang Gross Domestic Product kgotsa GDP). Gape a direla batho ba le bantsi ditiro. Maphata a mangwe a a tshwanang le go nosediwa ga temo go dirisa metsi a mantsi ka madi a a kwa tlase le bahiriwa ba ba seng bantsi.



Setshwantso 2: Metswedi ya metsi ke madiba a metsi a a tshwanang le dinoka, dinokana, megobe, matsibogo le metsi a lefatshe. "Metsi a a fa godimo" ke metsi a a fa godimo ga lefatshe. "Metsi a kwa tlase" ke metsi a a kafa tlase ga lefatshe mo dipetseng.




Ka kakaretso:

Ga re na metsi a re sa a diriseng. Jaaka palo ya rona ya batho e ntse e oketsega mme go ntse go nna le tlhokego e e ketsegang ya tlhabololo, re tla nna re sokola fela thata go nna le metsi a boleng jo bo amogelesegang.

Ga se metsi otlhe a rona a a leng a boleng jo bo siameng. Re tlhoka go nna le melao e e gagametseng ya go thibela kgotlelo ya metsi le go laola ka kgotlelo ya tikologo e e ka sekang

Maphata mangwe a itsholelo ga a dirise metsi sentle jaaka a ne a tshwanetse. Boikaelelo jwa Togamaano ya Naga Malebana le Metswedi ya Metsi ke go fetola seno mo nakong e e rileng e le gore re tle re bone melemo e mentsi ya batho le itsholelo ka go dirisa metsi a sekae.




Setshwantsho 3. Afrika Borwa e kgaogantswe ka Mafelo a Taolo ya Metsi a le 19 (Kitsiso ya Puso No. 1160, October 1999) Elatlhoko gore Lefelo la Taolo ya Metsi lengwe le lengwe le na le nomoro. A le lesome le bongwe a mafelo ano a na le metsi a a kwa tlase ga a a tlohegang.

5. METSWEDI YA METSI E TLA LAOLWA JANG MO NAKONG E E TLANG?

5.1 Melao-metheo ya taolo ya metsi

Re tshwanetse go dirisa metsi ka bothale. Melao-metheo e le meraro ya konokono ya Molawana wa Metsi wa rona le Molao-tlamo wa Naga wa Metsi e kaela sengwe le sengwe se re se dirang go laola metsi:

- **Tshegetso.** Seno se raya gore re tshwanetse go dirisa metsi go rotloetsa tlhabololo ya batho le ya itsholelo mme, ka nako e e tshwanang, re tshwanetse go sireletsa tikologo ka gonne metsi a rona a tswa mo tikologong. Fa go na le tekatekano e e siameng gareng ga go dirisa metswedi ya metsi le go e sireletsa, go raya gore re ka kgona go kgotsofatsa ditlhokafalo tsa rona tsa metsi gammogo le ditlhokafalo tsa bana ba rona, le bana ba bana ba rona.
- **Tekatekano.** Seno se raya gore moagi mongwe le mongwe wa naga o tshwanetse go kgona go bona metsi le go a dirisa. Ditshwetso tse di dirwang mabapi le go aba metsi di tshwanetse go bontsha seno.
- **Kelotlhoko.** Seno se raya gore re tshwanetse go tlhomamisa gore metsi ga a senngwe. Metsi a tshwanetse go dirisiwa go solegela rona molemo thata le itsholelo ya rona ka mo go ka kgonegang.




Setshwantsho 4: Gore selo se tshegediwe se tshwanetse go thusa go godisa itsholelo, se tshwanetse go nna tekatekano malebana le gore ke bomang ba ba solegelwang molemo (tekatekano mo bathong) ebile ga se a tshwanela go senya tikologo (go ikanyega mo kamanong ya batho le tikologo)

5.2 Mekgele ya go laola metsi

Ga re a huma metsi. Metswedi ya metsi a rona e lebane le tlhokego e e oketsegang le matshosetsi. Mo nakong e e fetileng, metsi a ne a sa abiweka tekatekano. Gantsi metsi a a senngwa. Ka gone, metsi se tokafale mo nakong e e tlang.

- Go tlhomamisa gore batho ba na le metsi a a lekaneng ditlhokafalo tsa bone tsa motheo
- Go tlhomamisa gore tikologo ya tlhologo e sireleditswe
- Go tlhomamisa gore mongwe le mongwe o kgona go bona metsi ka tsela e e tshwanang
- Go tlhomamisa gore metsi ga a senngwe le gore a dirisiwa sentle
- Go tlhomamisa gore go na le metsi a lekaneng a nako e e tlang, a itsholelo e e siameng le a mokgatlo wa batho o o atlegileng
- Go tlhomamisa gore mongwe le mongwe o duela karolo ya gagwe ya tlhotlwa ya metsi a a dirisang, ka mantswe a mangwe gore metsi a duelelwa ka tekatekano
- Go ikanyega mo boitlamong jwa rona go baagelani ba rona, Lesotho, Swaziland, Mozambique, Zimbabwe, Botswana le Namibia.

Re tla nna le metsi a a lekaneng, le metsi a a lekaneng a bolengjo bo siameng, fa fela re dirisa Lephata leno le tlhomile mekgele ya go laola metsi gore seemo sa metsi ka botlhale. Jono ke boitlhomong jwa Togamaano ya Naga Malebana le Metswedi ya Metsi



5.3 Go Tlhabolola Togamaano ya Naga Malebana le Metswedi ya Metsi

Togamaano ya Naga Malebana le Metswedi ya Metsi ke thulaganyo eo mo go yone ditogamaano tsothe tse di farologaneng tse re di tlhokang go laola metswedi ya metsi di ka kopanang ka tsela e e rulaganeng. Molao-tlamo wa Naga wa Metsi wa re Togamaano eno e tshwanetse go tlhabololwa bobotlana morago ga dingwaga dingwe le dingwe di le tlhano.

Seno ga se reye gore re tla leta dingwaga di le tlhano go simolola go e dirisa. Ditlhopho tsa batho di ntse di tshwaregile ka go tlhabolola mekgwa le ditsamaiso tsa go dirisa dikarolo tse di farologaneng tsa Togamaano eno, ebile ba gatisa dingwe tsa tsone mo Government Gazette gore go akgelwe ka yone, le eleng pele ga Togamaano ya Naga Malebana le Metswedi ya Metsi ka boyone e siamela go ka gatisiwa. Malebana le dikarolo tse dingwe tsa Togamaano eno, mekgwa e e tlhalositsweng ka botlalo, ditsela le melawana ya tsone e santse e tlhabololwa.

Re ka seka ra dirisa molawana o moshale molao o o tlhomilweng ka bonako fela. Re tshwanetse go rulaganya dilo le go tlhoma matlho mo ditirong tse di rileng mo Mafelong ao a Taolo ya Metsi koo go tshwanetseng ga tsewa kgato ka bonako, mafelo a a tshwanang le a go senang metsi a a lekaneng mo go one le mafelo a metsi a one a kgotletsweng.

Go Tshegetsisa Togamaano Malebana le Metswedi ya Metsi – ditogamaano tse di thusang

- **Go oketsa thutego**, jaaka go kopa mekgatlo ya thuto le ya thapiso go godisa dithuto tse di kgethegileng, dithuto tsa diploma le tsa degree le dithulaganyo tsa dibasari.
- **Go tsaya karolo ga batho** go letlelela mongwe le mongwe yo o ratang go tsaya karolo mo taolong ya metsi go dira jalo. Lephata leno le setse le tlhamile kaelo ya go dira gore batho ba tseye karolo.
- **Thuto le temogo** e dirwa go lemotsha Ma-Afrika Borwa gore metsi ke motswedi o o sa bonaleng motlhofo le wa botlhokwa. Thulaganyo ya Thuto kaga Metsi - 2020 Ponelopele kaga Metsi – e setse e dirisiwa mo dikolong di le 10 000 go dikologa naga mme e tla fetisediwa le kwa diunibesithing.
- Patlisiso go godisa kitso le tlhologanyo go tokafatsa kafa re laolang metswedi ya metsi ka teng.



6. "TIRISO YA METSI" KE ENG?

Molao-tlamo wa Metsi wa Naga o leba metsi ka tsela e a ka kgonang go dirisiwa ka teng. Mo go Karolo 21, o tthalosa mefuta e e lesome le bongwe e e sa tshwaneng ya tiriso ya metsi:


- **go tsaya metsi go tswa motsweding wa metsi** o o tshwanang le molatswana, noka, petse, mogobe kgotsa letsibogo go go dirisa
- **go boloka metsi** jaaka go a boloka mo tamong
- **go kgoreletsa kgotsa go faposa** metsi jaaka, ka sekai, fa metsi a a elelelang mo molatswaneng kgotsa mo nokeng a tshwanela go thibelwa kgotsa a lebiswa go sele go dira gore tsela e ntsha e kgone go dirwa
- **go fokotsa go elela ga metsi a molatswana**, go dirisiwa metsi a pula, go godisa ditlhare kgotsa dijalo tse di tshwanang le temo ya dikgwa bakeng sa kgwebo e e dirisang metsi a mantshi go na le ditlhare tsa tlhologo. Seno se raya gore metsi a pula a a tla bong a fithile kwa dinokeng a dirisiwa otlhe ke ditlhare le dijalo
- **ditiro tse di laolwang** tse di tshwanang le go nosetsa ka metsi a a leswe
- **go ntshetsa metsi a a leswe** ka tlhamalalo mo motsweding wa metsi
- **go tsholola metsi a a leswe jaaka go** a tshololela mo megojaneng ya go rusisa, matamo a go omeletsa dilo
- **go latlha metsi a a leswe a a mogote** a a tswang mo madirelong le madirelo a motlakatse
- **go fetola madiba, matshitshi kgotsa ditsela** tse metsi a tsamayang mo go tsone jaaka fa noka kgotsa nokana e fetolwa letsibogo kgotsa fa go "epiwa" motlhaba mo matshitshing kgotsa bodibeng jwa noka go dirisiwang mo kagong
- **go ntshiwa ga metsi a a kafa tlase ga lefatshe** bakeng sa ditiro tse di tshwanang le meepo le kago; le
- **boitlosobodutu**, metshameko ya metsi e e tshwanang le go thuma

Molao-tlamo o re letlelela go dirisa metsi ka ditsela tse dintsi go tthabolola batho le itsholelo. Dingwe tsa ditsela tseno di ka ama metswedi ya metsi ka tsela e e sa siamang fa e sa laolwe ka kelotlhoko. Ka sekai, Molao-tlamo o letlelela madirelo go tsholelela metsi a one a a leswe mo dinokeng le mo dinokaneng, fa fela seno se dirwa ka tetelelo ya Lephata leno le fa go latelwa melao e e gagametseng gophepafatsa metsi ano. Seno se sireletsa metswedi ya metsi le badirisi ba bangwe.

7. RE TLA SIRELE TSA METSWEDI YA METSI JANG GORE E SEKA YA DIRISIWA THATA YA BA YA KGOTLELWA?

Afrika Borwa e ikaegile thata mo ditlhabolong tsa batho le tsa itsholelo le mo go namoleng leuba ka go dira ditiro. Gore re dire seno, re tlhoka metsi. Ka nako e e tshwanang, Molao-tlamo wa Naga wa Metsi o lemoga gore ga se mo go ka kgonegang gape go ka se direge gore go tilwe dilo tsothe tse di ka amang boleng jwa metsi, go seng jalo go ka bo go sena kgolo ya itsholelo kgotsa tekatekano ya batho.

Jalo mo go Kgaolo 3, Molao-tlamo o re naya dirisiwa tsa semolao tsa go dira ditshwetso tse di tla dirisanang mmogo go fitlhelela tekatekano gareng ga go sireletsa le go dirisa metswedi ya metsi. (bona Setshwantso 5 le fa tlase).



Figuur 5. Die beskerming van waterhulpbronne.

7.1 Go sireletsa metswedi ya metsi gore e neye botsogo jo bo molemo - dikgato tse di lebisitsweng mo metsweding

Dikgato tse di lebisitsweng mo metsweding di tla tlhokomela boleng jwa metsi, bogolo jwa metsi, diphologolo tse di tshelang mo metsweding ya metsi, le dijalo tse di leng teng go dikologa metswedi wa metsi. Tseno tsothe di tshwanetse gore di bo di na le botsogo jo bo molemo e le gore metswedi wa metsi o kgone go bereka sentle le go tlamela ka metsi.

Santlha, Lephata leno le tla simolola tsamaiso ya naga ya go baya metswedi yotlhe ya metsi mo nageng ka ditlhopha. Setlhopha sengwe le sengwe se tla bontsha gore se ama metswedi oo jang ka tsela e e sa amogelese, kgotsa e e amogelesegang. Setlhopha seno gape se tla bontsha gore ke metsi a a kana kang a a ka dirisiwang. Ditlhopha tsa taolo tse go akanngwang ka tsone ke:

- **Ihologo**, koo batho ba sa amang metswedi ya metsi go le kalo le koo boemo jwa metswedi wa metsi bo santsen bo le gaufi le jwa tlhologo, jaaka dinokana tsa mo dithabeng.
- **Molemo**, koo metswedi o setseng o fetotse go sekae kgotsa ka mo go lekaneng ka ntlha ya kafa o amilweng ke batho ka teng.
- **Seng maswe thata**, koo boemo jwa metswedi wa metsi bo farologaneng thata le jwa kwa tshimologong jwa tlhologo.
- **Maswe**, boemo jo bo kwa tlase thata ga jo bo seng maswe thata, jo boikaelelo e leng go bo tokafatsa go bo dira jo bo seng maswe.


Sa bobedi, Lephata leno le tla **dira tshwetso ya setlhopha sa metswedi wa metsi mongwe le mongwe wa botlhokwa mo nageng mme gape, le dira tshwetso ka setlhopha se le se batling mo nakong e e tlang**, le sena go buisana le banaleseabe. Badirisi ba metsi ba tla thusa go dira tshwetso ya gore ba batla gore metswedi wa metsi wa bone o nne jang mo nakong e e tlang, e le gore go laola metsi go tle go tokafatse gore metswedi oo o naye botsogo jo bo molemo mo nakong e e tlang. Go baya metswedi ya metsi ka ditlhopha go tla dirwa mo dingwageng tse 10 go ya go tse 15 tse di latelang, go simolola ka mafelo ao kgato e tlhokegang ka bonako mo go one.

Sa boraro, fa go setse go dirilwe tshwetso ka boemo jo bo batliwang mo nakong e e tlang, Lephata leno le tla dira katlholo ka **boithomo malebana le boleng jwa motswedi**. Boithomo jono bo tla bolelela balaodi gore ke metsi a a kana kang a a tlhokegang ka nako efe go boloka motswedi o naya botsogo jo bo molemo. Bo tla bolelela balaodi gore boleng jwa metsi bo tshwanetse go nna bofe le gore boemo jwa diphologolo le dijalo e tshwanetse go nna bofe.

Ka nako e e tshwanang, Lephata leno le tla **nna le Raseboa ya metswedi ya metsi yotlhe mo nageng**. Raseboa yono o tlhalosiwa mo Setshwantshong 6. Fa go sena go atholwa selekanyo sa Raseboa yono le metsi a a tla lekanang Raseboa yono a sena go beelwa kwa thoko, ke gone metsi a ka abiwang go dirisediwa dilo tse dingwe.

Go lekalekanya tekatekano le tshegogo - Raseboa

Fa metsi otlhe mo nageng a ne a ka tsenngwa mo kgamelong, Raseboa ke metsi a ka metlha a tshwanetseng go tlogelwa mo kgamelong gore a dirisetswe ditlhokafalo tsa batho tsa motheo le ditlhokafalo tsa kamano ya batho le tikologo.



Setshwantsho 6. Se tlhalosa gore Raseboa ke eng. Setshwantsho seno gape se bontsha kafa Lephata leno le tla rulaganyang go abiwa ga metsi go ya ka bothokwa jwa one. Raseboa ke yone e e tsayang maemo a ntlha.

7.2 Go laola kgotlelo ya metsi le tiriso e e feletseng ya metswedi ya metsi – ditaolo tse di lebisitsweng motsweding

Ga go kgonege go tla kgotlelo ya metsi gotlhelele, lefa go ntse jalo go a kgonega go laola kgotlelo e le gore metswedi ya metsi e nne e bereke ka tshwanelo. Ditaolo tse di lebisitsweng motsweding di tla laola kgotlelo le tiriso e e feteletseng ya metswedi ya metsi. Ka sekai, di tla laola selekanyo sa metsi a a tswang mo motsweding. Gape di tla laola gore ke eng se se tswang mo dipompong tsa madirelo tsa metsi a a leswe. Seno se tla dirwa ka ditsela di le mmalwa.

- **Dikgato tsa setsha tse di tlhomameng.** Madirelo, meepo, madirelo a go phepafatsa leswe, le ditiro tse dingwe tse di kgotlelang metsi di tla tshwanela go kopa laesense pele ga ba ka letlelelwa go ntshetsa metsi a a leswe mo motsweding wa metsi.
- **Ditlwaelo tse di siameng thata tsa go laola.** Tseno di dira go kgabaganya naga tse di tshwanang le ditekanyetso tsa go laola go latlwa ga matlakala.
- **Dikgato tse di kgethegileng,** tse di tshwanang le ditogamaano tsa go laola matamo.

7.3 Tsela e ditshwetso kaga boleng jwa metsi le go laola kgotlelo di dirwang ka teng

Lephata leno le dira ditshwetso kaga boleng jwa metsi le taolo ya kgotlelo kgato ka kgato.

Kgato ya ntlha ke **go thibela kgotlelo**. Modirisi wa metsi yo o tshwanang le madirelo o tshwanetse go bontsha gore o dirile sengwe le sengwe se se utlwalang le se se kgonegang go thibela leswe le le tla bakang kgotlelo.

Kgato ya bobedi ke go **fokotsa kgotlelo**. Badirisi ba metsi ga ba kake ba kgona go tla go baka leswe ka metlha. Mme Molao-tlamo wa Naga wa Metsi o bua ka tlhamalalo gore metsi a a leswe a a dirwang a tshwanetse a boela a dirisiwa ka mo go ka kgonegang ka teng, eseng jalo a tshwanetse go phepadiwa go ntsha leswe. Lephata leno gape le kgothaletsa thata gore boitseanape jwa go dira dilo e nne jo bo phepa le gore mekgwa ya go tlhokomela madirelo e nne e e siameng. Malebana le go latlwa ga matlakala, go dirisiwa Tlhokafalo e Potlana ya go Latlwa Matlakala ya Lephata leno.

Kgato ya bo raro e ka tsewa fela fa dikgato tsothle tse dingwe di sena go tsewa go thibela kgotsa go fokotsa kgotlelo, lefa go sena ka tsela e nngwe e seno se ka dirwang ka teng. Ke gone **go latlwa kgotsa go ntshiwa ga metsi a a leswe go ka letlelelwang, mme e le tlase ga maemo a a rileng fela** le fela fa noka kgotsa nokana e metsi a a leswe a tla tshololelwang mo go yone e na le metsi a a lekaneng go amogela metsi a a leswe ano.

Ditaolo dingwe tse di lebisitsweng kwa motsweding di setse di dira

Ditellelelo tsa Kakaretso di naya maemo a tiriso ya metsi e ka kakaretso e letleletsweng

Ditlelelo tsa Kakaretso tsa go tsaya


Ditlelelo tsa Kakaretso tsa go tsaya metsi mo motsweding wa metsi, go boloka metsi, ditiro tse di fokotsang go elela ga metsi a dinokana le go latlhela matlakala kgotsa matlakala a a nang le metsi mo motsweding wa metsi di ne tsa gatsiwa ka

1999. Ditellelelo tsa Kakaretso tsa ditiriso tse dingwe tsa metsi di tla tlhamiwa go ya kafa go tlhokegang ka teng le kafa go ka kgonegang ka teng. Malebana le go tshololwa ga leswe le le nang le metsi, go dirisiwa Ditekanyetso tsa Kakaretso le tse di Kgethegileng le Tekanyetso e e Kgethegileng ya Phosphate.

Gape, fa dilaesense tsa tiriso ya metsi di abiwa (bona karolo 8.1 ya lekwalo leno laesense nngwe nengwe e tla nna le setlhophsa sa maemo a a rileng. Maemo ano gape a tla tlhalosa ka tlhamalalo ditaolo tse di lebisitsweng motsweding.

8. BADIRISI BA METSI BA TLA BONA JANG TETLA YA GO DIRISA METSI?

Bao ba dirisang metsi a mantsi ke bone ba ba mo kotsing ya go ama metswedi ya metsi ka tsela e e sa siamang. Bano ba akaretsa temo, meepo, madirelo, mafelo a metse-setoropo le mekhukhu.



Go ya ka Kgaolo 4 ya Molao-tlamo ono, tiriso yotlhe ya metsi e tshwanetse ya "nna le tetla". Ka mantswe a mangwe, batho ba tshwanetse go amogela tetla ya go dirisa metsi. Go tshwanetse ga nna le melao ya go dirisa metsi ka bothhale (bona Setshwantsho 7)

Go na le ditsela di le dintsi tse di farologaneng tse motho a ka letlelewang ke Lephata leno go dirisa metsi. **Batho ba ba dirisang metsi ka dilekanyo tse di potlana mo matlong, go nosetsa ditshingwana le go nosa diphologolo (boikaelelo e se jwa kgwebo) kgotsa ba boloka metsi a pula a a tswang mo marulelong ba bo ba a dirisa morago, ba setse ba na le tetelelo ya go dirisa metsi.** Molao-tlamo wa Naga wa Metsi o ba bitsa badirisi ba "Thulaganyo 1".

Metsi a mantsi, kgotsa tiriso ya metsi e e ka amang motswedi wa metsi ka tsela e e sa siamang e e tshwanang le fa madirelo a tshololela metsi a a leswe mo motswedeng wa metsi, a tshwanetse go nna le tetelelo. Seno se ka dirwa ka ditsela di le tharo:

- Ditletla tsa Kakaretso, fa modirisi a dirisa metsi a sena lekwalo la tetelelo, go ikaegile ka gore tiriso ya metsi e tsamaisana le Tetla ya Kakaretso.
- Go tswaledisa tiriso ya semolao e e ntseng e le teng ke tiriso ya metsi epe fela ya semolao e e tlase ga molao ope fela go simologa ka October 1996 go ya go 31 September 1998, go fitlhela badirisi ba ba ntseng jalo ba nwa dilaesense.
- Dilaesense (bona fa tlase).

Badirisi ba metsi ba ba letleletsweng ba tla kgona go dirisa metsi, mme gape ba tla nna le boikarabelo jwa go dirisa metsi tumalanong le maemo a tetelelo. Maemo ano a tla sireletsa tikologo gape a tla akanyetsa ditlhokafalo tsa badirisi ba bangwe ba metsi.

Tetelelo ya go dirisa metsi

Tetelelo ya go dirisa metsi ke nngwe ya didirisiwa tse di tla re thusang go dirisa metsi ka bothhale, ka go dirisa le go sireletsa metswedi ya metsi ka nako e e tshwanang. Totatota: motho o ka kgona go dirisa metsi fela fa a letleletsweng go ya ka Molao-tlamo wa Naga wa Metsi. Seno se dirwa fela morago ga metsi a Raseboa a sena go beelwa kwa thoko, ka baka la boitlamo jwa dinaga le go dirisediwa leano le le rileng le le tshwanang le metsi a go dira motlakase le go abalanwa ga metsi (bona Setshwantso 6 se se tlhalosang Raseboa).


8.1 Go Nwa Laesense

Laesense ya go dirisa metsi ke lekwalo la semolao. E naya motho tetla ya go dirisa metsi go ya ka maemo a laesense.

Maemo ano a tshwanetse go tlatlhabiwa mo e ka nnang dingwaga dingwe le dingwe di le tlhano. Laesense e ka nna ya bolelele jwa dingwaga tse di fitlhang go tse 40.

Dilo tsa bothhokwa tse di tshwanetseng go itsiwe ka dilaesense

- Lephata leno le ka nna la tsaya laesense fa modirisi wa yone a tloa maemo a laesense eno.
- Go fetolwa ga maemo a laesense ya motho go ka dirwa fela fa maemo a dilaesense tse dingwe tsa tiriso e e tshwanang ya metsi kgotsa go tswa motswedeng o le mongwe wa metsi le tsone di fetolwa.
- Nako e laesense e berekang ka yone e ka se fetolwe, lefa go ntse jalo e ka okediwa fa e tlatlhabiwa ka selekanyo sa nako ya tlatlhobo, se se ka nnang dingwaga tse tlhano.
Thulaganyo ya go kopa dilaesense ga batho le go tlatlhabiwa sone e tswetse pele mo nakong eno, mme e tla bo e baakantswe sentle mo dingwageng tse pedi tse di latelang.




Setshwantsho 7. Molao-tlamo wa Naga wa Metsi or tlhoma melao ya go dirisa metsi ka bothhale. Melao e e ka nnang ya nna teng mo motswedeng wa metsi e le kgolo, melao ya go dirisa metsi e tla gagamadiwa thata.

8.2 Laesense e e Patelesegang

Lephata leno le tla batla laesense e e patelesegang ya go dirisa metsi mo mafelong a go ka nngang ga bo go sena metsi a a lekaneng badirisi botlhe, kgotsa koo boleng jwa metsi bo setseng bo ya kwa tlase. Mo mafelong ao, metsi otlhe a a leng teng le a a ka nngang teng kwantle ga badirisi ba Thulaganyo 1 le badirisi ba ba leng tlase ga Ditetelelo tsa Kakaretso, ba tla tshwanela go kopa dilaesense.


Tsamaiso ya go tlatlhoba dikopo tsa laesense e tla tlhomamisa gore mongwe le mongwe o akanyediwa ka tekatekano le ka go sa tlaolwe gore a bone metsi le gore metsi a abiwa ka tsela e e bothakga le e e nang le mosola, go akanyediwa mabaka a a tlhomameng.



Setshwantsho 8. Thulaganyo ya go nna le laesense e e patelesegang mo Mafelo a go Laola Metsi a a farologaneng.

8.3 Ikwadiso ya go dirisa metsi

Lephata leno le tlhoka go itse gore ke tiriso efe ya metsi e e diragalang mo metsweding e e sa tshwaneng ya metsi le kafa metsi a mantsi a dirisiwang ka teng. Ka boikitsiso jono, Lephata leno le ka rulaganya sentle, la godisa la ba la laola metswedi ya metsi go sireletsa badirisi ba metsi le metswedi ya metsi ka boyone. Ka lebaka leno, badirisi ba metsi ba setse ba kopilwe go ikwadisetsa go dirisa metsi fa e le gore ba tsaya metsi ba bo ba a boloka, kgotsa fa e le gore ba fokotsa go elela ga dinokana (dikgwa tsa kgwebo). Tsamaiso ya semolao ya ikwadiso eno e fedile ka June 2001 mme bontsi jwa badirisi bano ba metsi ba setse ba ikwadisitse. Badirisi ba ba sa ikwadising ba santse ba ka tsenya kopo yai kwadiso ya morago. Ditiriso tse dingwe tsa metsi di tla ikwadisediwa fa nako e ntse e tsamaya.



Ga o TLHOKE go ikwadisa gore o dirise metsi fa e le gore:

- o modirisi wa Thulaganyo 1 (ka mantswe a mangwe fa e le gore o dirisa metsi mo ntlong fela kgotsa ditiro tse dingwe tse dinnye)
- metsi a gago a tswa bolaoding jwa mo lefelong la lona, Water Board kgotsa Lekgotla la Tlanelo ya Metsi lepe fela (makgotla ano a tla ikwadisa ka boone)
- o letleletswe go dirisa metsi ka Tetelelo ya Kakaretso mme ka mo go kgethegileng go sa tlhokege gore o ikwadise
- o filwe laesense (difomo tsa go ikwadisetsa laesense, di setse di na le tshedimosetso e e tlhokegang ya go ikwadisa); le
- o leloko la Lekgotla la Badirisi ba Metsi.

9. GO KGOTSOFATSA GO BATLIWA GA METSI

Jaaka batliwa ga metsi go oketsega, re tla tlhoka go tsamaisanya go batliwa le metswedi ya metsi. Re tlhoka go kopanya ditogamaano, nngwe le nngwe e na le madi a e a tlhokang, nako le maiteko. Tseno di kopanyeletsa:

- Go laola go batliwa ga metsi le poloko ya one (bona fa tlase).
- Go laola metswedi ya metsi a a fa godimo le poloko ya one.
- Go godisa metswedi ya metsi a a fa godimo, mo go a a tshwanang le go aga matamo.
- Go tloswa ga dijalo tse di tlhogang fa di sa tshwanela teng jaaka Go Direla Thulaganyo ya Metsi, go oketsa metsi a a leng teng mo matamong a dinoka.
- Go dirisa metsi gape, jaaka mo madirelong a go dirisa metsi a one a a leswe gape.
- Go abiwa ga metsi gape, jaaka fa batho ba ba dirisang metsi a mantsi ba tla tshwanela go abela ba bangwe ba ba senang a a lekaneng mangwe a one.
- Go fudusetsa metsi mo mafelong a a leng mantsi mo go one kwa mafelong ao metsi a sa bonaleng motlhofo one.
- Go laola boleng jwa metsi le kgotlelo jaaka go tlhalositswe mo go Karolo 7.3. Go fitlhelela ditlhokafalo tsa Raseboa jaaka go tlhalositswe mo go karolo 7.10.

9.1 Go boloka metsi le go laola go batliwa ga one

Mo nakong e e fetileng, Lephata leno le ne la fudusetsa metsi a mafelo a a leng mantsi kwa go one kwa mafelong a nang le a le mannye, kgotsa la aga matamo a magolo kgotsa la letlelela gore go agiwe matamo a magolo go tlhomamisa gore go tla nna le metsi a a lekaneng go kgotsofatsa ditlhokafalo tsa badirisi ba metsi. Lefa go ntse jalo, le yone mekgwa eno bonale motlhofo ka ntlha ya koketsego ya batho mo nageng eno le ka baka la ditlhokafalo tsa metsi tsa madirelo, temo, meepo le tsa dilo tse dingwe.

Togamaano ya Naga ya Metswedi ya Metsi e re naya tsela e ntsha ya go dirisana le seno e e bidiwang go bolokiwa ga metsi le go laola go batliwa ga one. Batho ba le bantsi ba ka dirisa metsi a a kwa tlase da go fetola mokgwa wa bone le ka go boloka metsi. Re tla kgona seno ka tsela e mokgwa wa bone le ka go bolok latelang:

- Mekgatlho ya metsi e e tshwanang le taolo ya mafelo e e tlamelang badirisi ba metsi ka one ba tshwanetse go dira seno sentle, ba sa senye metsi a mantsi (ka sekai, ba tlhomamisa gore dipompo tsa go aba metsi ga di dutle) gape bo tshwanetse go rotloetsa badirisi ba metsi gore ba boloke metsi.
- Badirisi botlhe ba metsi ba tshwanetse go dirisa metsi sentle gape ga ba tshwanela go a senya. Ka sekai, ba tshwanetse go tswala dipompo tsa metsi sentle, ba thibe diphaephe fa di dutlang teng, gape ba dirise metsi a ba a tlhokang fela.
- Go bolokwa ga metsi e tshwanetse go nna karolo ya togamaano ya metswedi ya metsi le ditirelo tsa metsi.

Lephata leno le tla nna le matsholo a go dira gore batho ba eletlhoko botlhokwa jwa go boloka metsi, go dirsa dikolo tsa thuto le go kgothatsa makgotla a metsi go dirisa le go rotloetsa go bolokwa ga metsi. Lephata lengwe le lengwe, le le tshwanang le la temo, madirelo, go dirwa ga motlakase le meepo le tla itirela tsela ya lone ya go boloka metsi le togamaano ya go laola tlhokego ya one. Lephata leno le ka nna la dirisa ditekanyetso tsa laesense ya go dirisa metsi go tlhalosa ditlhokafalo tsa go boloka metsi.

10. GO TLHOMA TLHOTLHWA YA DITUELO TSA METSI LE THUSO YA MADI

10.1 Ke ka ntlhayang fa go laolwa ga metsi go duelelwa?

Jaaka badirisi ba ba oketsegileng ba metsi ba tlhoka metsi, go nna le dikgwetlho tse di oketsegileng tsa go laola metswedi ya metsi. Jalo, dituelo tsa go tlhokomela le go laola, go tlhatlhoba le go logamaano, go tlhama le go aga matamo a masha, go dira le go tlhokomela madirelo a metsi, go abiwa ga metsi, go sirelediwa ga metswedi ya metsi, le ditiro tse dingwe tsa go laola, di a oketsega.

Ka ntlha ya mabaka ano, Molao-tlamo wa Naga wa Metsi o rulaganyeditswe Togamaano ya go Tlhoma Tlhotlhwana ya Dituelo tsa Tiriso ya Metsi (Kgaolo 5 ya Molao-tlamo ono). Morago ga go botsa batho ba le bantsi, go ne ga gatisiwa Togamaano ka November 1999 (Kitsiso ya Puso No. 1353). Togamaano eno e letlelela gore dituelelo dingwe tsa taolo ya metsi di duelwe ke badirisi ba metsi.

Go na le melemo e le mentsi ya go boloka metsi le go laola go batliwa ya one.

Badirisi ba tla lemoga gore boleng jwa metsi ke selo se se sa bonaleng motlhofo.

Badirisi ba bangwe ba metsi ba tla bona metsi a a oketsegileng

Go ka nna ga busesediwa kwa morago tuelo ya ditlamela-botshelo tse disha, e le gore dikoketso tsa dituelelo tsa metsi di seka tsa nna kalo



Badirisi ba metsi ba dirisa metsi go itsholegela molemo, seo ba tla lopiwang tuelo ya sone mo nakong e e tlang. Go lopa tuelo ya taolo ya metswedi wa metsi go simologile ka 2002.

10.2 Ke dituelo dife tsa taolo ya metsi tse di tla duelwang ke badirisi ba metsi?

Go na le dikarolo di le tharo tsa dituelo. Tseno ke:

Tuelo ya taolo ya motswedi wa metsi. Seno se akaretsa ditiro tsa taolo tse di tshwanang le go laola go dirisiwa ga metsi, go laola boleng jwa metsi, go laola tshireletsego ya matamo le go boloka metsi (go kopanyeletsa le thulaganyo ya Go Berekela Metsi e e leng ya taolo ya dijalo tse di tlhogang fa di sa tshwanelang teng).

Kgodiso ya motswedi wa metsi le tuelelo ya madirelo a metsi. Madi otlhe a seno a a tla tlhokegang kwa tshimologong mo dingwageng tse 25 tse di latelang e ka nna R12 billion, go kopanyeletsa le R530 million ngwaga le ngwaga e le a a duelelang dilo tse di tshwanang le go tlhabolola le go baakanya madirelo a a leng teng.

Tuelo eno e tla duelela ditiro tse di tshwanang le go logamaano, go tlhama, go tlhabolola, go dirisa, go tlhokomela le go tokafatsa dithulaganyo tsa Puso tsa metsi le dithulaganyo tse di tla duelelwang ke mekgatlho ya taolo. Dituelo tsotlhe tsa tiriso le tlhokomelo di tla nna di duelwa ka bonya mme di tla duelwa ke badirisi botlhe, go akaretsa le lephata la temo. Go fokotsega ga boleng go tla nna go duelwa ka bonya ke badirisi botlhe. Morokotso wa dithoto o tla duelwa ke balaodi ba ditirelo tsa metsi, madirelo, meepo le mekgatlho ya motlakase.

Dituelo tsa go latlha ga matlakala. Seno se tla simolola go duelelwa mo nakong e e tlang go ya ka molao-motheo wa "go duela mokgotledi". E tla simolola dikatso le dithibelo tsa:

- go tlhomamisa gore tuelelo ya kgotlelo, ka mo go ka kgonegang ka teng, e sikarwa ke mokgotledi mme e seng ke badirisi ba bangwe ba metsi bao ba ka tswang ba le mo seemong se se maswe ka ntlha ya kafa metswedi ya metsi e amilweng ka mo go sa siamang ke matlakala;
- kgothaletsa gore go latlha ga leswe go fokodiwe; le
- go rotloetsa go dirisiwa ga metsi sentle.

10.3 Ke bomang ba ba tla tshwanelang kgotsa ba sa tshwanelang go duelela taolo ya metswedi ya metsi?

Ga o **TLHOKE go duelela** seno fa o le modirisi wa Thulaganyo 1, mo go rayang batho ba ba dirisang metsi ka tlhamalalo go tswa motsweding ba a dirisa ka selekanyo se sennye mo matlong, go nosetsa masingwana le go nosa diphologolo (ese ka boikaelelo jwa go gweba) kgotsa go a boloka le go dirisa metsi a pula a a tswang mo borulelong.



Badirisi ba metsi bao ba tlamelwang ka metsi ke batlamedi ba metsi, kgotsa bao ba tshololelang metsi a a leswe kgotsa metsi a a leswe a pula mo diphaepheng tsa go tsamaisa leswe tse di laolwang ke batho kgotsa ke bommassepala bao ba nang le tetla ya go phepafatsa, go ntlafatsa kgotsa go latlha metsi ano a a leswe, ga ba na go duela Lephata leno ka tlhamalalo. Lefa go ntse jalo, ba santse ba tla tshwanela go duela balaodi bao ba tlamelang ka metsi ano kgotsa bao ba laolang lefelo la go ntlafadiwa ga metsi.

Badirisi ba ba latelang ba metsi **BA TLA tshwanela go duela** dituelo tsa taolo ya metswedi ya metsi:

- Badirisi ba metsi ba metsi a bone a tswang mo motsweding wa metsi o o tshwanang le noka kgotsa metsi a a kafa tlase.
- Beng ba dikgwa tsa kgwebo, ba duelela metsi a masimo a bone a dikgwa a fokotsang gore metsi a seka a elelela mo dinokaneng kgotsa mo dinokeng.



10.4 Ke bomang ba ba tla tlhomang ditlhotlha, mme jang?

Dituelo tsa go laolwa ga metsi ga di tshwane mo mafelong a a farologaneng, go ikaegile ka maemo a lefelo leo. Mekgatlho ya Taolo ya Matamo (bona Karolo 11) mo go nngwe ya Mafelo a Taolo ya Metsi a a 19 e tla ikarabelela mo go tlhomeng tlhotlha ya go laolwa ga metsi le tlhotlha ya go latlhela matlakala kgotsa matlakala a a nang le metsi mo motsweding ya metsi. Ditlhotlha tsa tiriso ya metsi le tsa go latlha ga matlakala di tla farologana mo Mafelong a a farologaneng a Taolo ya Metsi, mme gape go ka nna ga farologana gareng ga maphata a a farologaneng (ka sekai, temo, madirelo, dikgwa) go ikaegile ka ditlhokafalo tsa lefelo le maemo.

10.5 Thuso ya madi

Badirisi ba metsi ba tla newa thuso ya madi ka ditsela di le pedi. Lephata leno le tla duela bontlha bongwe jwa dituelo tsotlhe tsa metsi a ditsamaiso tsa Puso tsa metsi di a nayang balemi ba ba simololang go nosetsa ka one ka lobaka lwa dingwaga di le tlhano go simolola ka nako e go nosetsa go simolotseng ka yone.

Go na le madi a puso e thusang balemi ba ba simololang ka one ba e leng maloko a Mekgatlho ya Badirisi ba Metsi, gore ba age kgotsa ba tlhokomele madirelo a metsi a ba a dirisang botlhe. Madi a puso e thusang ka one a a dirisiwang mo tirong a tla nna teng mo ngwageng ya ntlha go dirisiwa ke Mekgatlho ya Badirisi ba Metsi bao ba jaanong e nnang bone ba sikarang ditsamaiso le tlhokomelo ya ditsamaiso tsa Puso tsa metsi.

11. MEKGATLHO YA TAOLO YA METSI

Lemororo Tona ya Merero ya Metsi le Dikgwa e le ene motshwara-marapo wa batho ba metswedi ya metsi mo boemong jwa Puso ebile e le ene yo o okamelang dikarolo tsotlhe tsa taolo ya metsi, boikarabelo le bolaodi jwa taolo ya metsi kgabagare e tla nna jwa lefelo leo.

Ka baka la seno, Molao-tlamo ono o re naya mekgatlho e e farologaneng ya taolo ya metsi mo go Kgaolo 7, 8, 9 le 10, mongwe le mongwe o na le ditiro tse di tlhomameng.

Mo nakong eno, Lephata leno le na le boikarabelo jwa go diragatsa dikarolo tsotlhe tsa Molao-tlamo ono mo boemong jwa Tona. Seabe sa Lephata leno se tla fetoga jaaka mekgatlho ya mafelo ya taolo ya metsi e tlhomiwa mme boikarabelo le taolo ya metswedi ya metsi di rolelwa mo go yone kgotsa e abelwa yone. Seabe sa Lephata leno kgabagare e tla nna go naya molawana wa morafe le thulaganyo ya go laola taolo ya metswedi ya metsi le go tlhomamisa gore mekgatlho e mengwe e dira ka tshwanelo.

11.1 Mekgatlho ya Taolo ya Matamo

Jaaka go bontshitswe mo Setshwantshong 3, Afrika Borwa e kgaogantswe ka Mafelo a Taolo ya Metsi a 19. Mekgatlho ya Taolo ya Matamo e tla tlhokomela go laolwa ga metswedi ya metsi mo lefelong lengwe le lengwe. Mekgatlho ya Taolo ya Matamo gape e tla tsamaisa ditiro tsa badirisi ba metsi le mekgatlho e mengwe ya taolo ya metsi mo mafelong a bone. Molao-tlamo ono o tlhoka gore Mekgatlho ya Taolo ya Matamo e dire ditogamaano tsa go laola matamo mo mafelong a one.

Mekgatlho ya Taolo ya Matamo e tla tlhomiwa semolao ka tsamaiso e e tla nnang motsena-gare gareng ga yone le morafe. Tsamaiso eno e setse e simolotse mo Mafelong a Taolo ya Metsi a 19. Mekgatlho ya Taolo ya Matamo e ka nna ya tlhomiwa go ya ka lefoko la Tona kgotsa ka gone setlhopho sa batho ba lefelo la letamo leo ba dirile kakantsho e e yang kwa go Tona ba sena go buisana le batho ka botlalo. Kakantsho eno e tshwanetse go akaretsa, ka sekai, dintlha malebana le melwane e Mekgatlho ono wa Taolo ya Matamo o tla sekeng o e tlole, tshedimosetso malebana le metswedi ya metsi, ditlamela-botshelo tse di leng teng, le badirisi ba metsi mo lefelong leo, le ditsela tsa kafa o tla laolwang ka teng le kafa Mokgatlho wa Taolo ya Matamo o o akantshiwang o tla ituelelang ka teng. Mekgatlho wa Taolo ya Matamo o tla simolola go dira fa Lekgotla le le Laolang le sena go tlhomiwa ke Tona. Maloko a Lekgotla le le Laolang a buelwa ke Komiti ya Bogakolodi eo maloko a yone a kgethiwang ke badirisi ba metsi mo lefelong la letamo leo.

11.2 Mekgatlho ya Badirisi ba Metsi

Mekgatlho ya Badirisi ba Metsi ke ditlhopho ka bongwe tsa badirisi ba metsi bao ba batlang go dira ditiro tse di malebana le metsi mo mafelong a bone mo go tla ba solegelang molemo ka go lekalekana, ditiro tse di tshwanang le go nosetsa mo temong, kgotsa go laola boleng jwa metsi. E dira tumalanong le molao-theo o o tlhomilweng jaaka go kwadilwe mo dikaelong tse di kwadilweng ke Lephata leno. Go solofelwa gore ba tla itshegetsatsa ka madi a dituelo tsa tiriso ya metsi tseo di beilweng le go dirwa tumalanong le togamaanong ya peo-ditlhotlha mme di duelwa ke maloko a yone.

Makgotla a pele a go nosetsa a tla fetolwa go nna Mekgatlho ya Badirisi ba Metsi mo dingwageng tse pedi tse di latelang. Ka nako e e tshwanang, a ka nna ya atolosa mafelo ao ba dirang mo go one mme ba tshwanetse go tlhomamisa gore badirisi ba metsi botlhe mo mafelong a bone ba na le baemedi. Mekgatlho e Mesho ya Badirisi ba Metsi e ka nna ya tlhomiwa fa e tlhokega.

11.3 Mekgatlho e mengwe ya taolo ya metsi

- Dikomiti tsa bogakolodi, tseo di tlhomiwang ke Tona a di tlhomela boikaelelo jo bo rileng (ka sekai, go bulela maloko a Lekgotla le le Laolang la Mokgatlho wa Taolo ya Matamo).
- Dikopano, tseo go sa buiweng ka tsone mo Molao-tlamong ono lefa go ntse jalo e le tse di thusitseng fela thata mo bolaoding jwa metswedi ya metsi ka go kgothaletsa banaleseabe go tsaya karolo.
- Mekgatlho ya go dirwa ga ditlamela-botshelo, mo go tshwanang le go aga matamo le ditsamaiso tsa go fudusa metsi.
- Mekgatlho ya taolo ya metsi jwa dinaga eo e tlhometsweng go laolwa ga dinoka tse re di tlhakanetseng le dinaga tse dingwe.
- Lekgotla la Boatlhodi la Metsi, leo eleng setlhopho se se ikemetseng ka nosi se boithomo jwa sone e leng go utlwa le go athola boikuelo kgatlhanong le ditshwetso tsa batsamaisi tsa, gongwe, go abiwa ga metsi (Kgaolo 15 ya Molao-tlamo ono). Lekgotla la Boatlhodi la Metsi ke mekgatlho wa semolao. Le na le seabe sa botlhokwa sa go tlhomamisa gore Puso e dire ditshwetso tse di utlwalang tsa botsamaisi. Batho ba na le tshwanelo ya go ikuela go Lekgotla la Boatlhodi fa ba sa dumalane le tshwetso ya mekgatlho wa taolo ya metsi malebana le metsi.

Boikaelelo jwa Mokgatlho wa Taolo ya Metsi ke gore badirisi ba metsi le batho ba ba amiwang ke kafa metsi a abiwang ka teng ba tshwanetse go nna le seabe se segolo sa kafa metswedi ya metsi e laolwang ka teng mo lefelong la bone.

Tlhokomela: Mekgatlho ya ditirelo tsa metsi e tlamela badirisi ba metsi ka metsi le phepafatso ya leswe mme e kafa tlase ga Molao-tlamo wa Ditirelo tsa Metsi wa 1997.

12. GO TLHATLHOBA GORE RE DIRA JANG – GO DISA LE TSHEDIMOSETSO

Go disa ke go tlhatlhoaba ka metlha boleng jwa metsi le go elela ga noka, letamo, mogobe kgotsa motswedi o o kafa tlase. Tshedimosetso ya go disa e tswa mo ditsamaisong tsa tshedimosetso.

Ditsamaiso tsa tshedimosetso di dirisiwa go boloka tshedimosetso malebana le metswedi ya metsi e le gore e ka kgona go dirisiwa motlhofo le go tlhalogangwa ke balaodi ba metsi le badira-ditshwetso

Balaodi ba metswedi ya metsi ga ba kake ba dira ditshwetso tse di siameng fa ba na le tshedimosetso e e phoso kgotsa e e tlhangelang. Gape re tshwanetse go tlhatlhoaba ka metlha gore a re fitlhelela mekgele ya rona ya go dirisa metsi ka botlhale.

Lemororo Lephata leno ka metlha le nnile la disa metswedi ya metsi, Kgaolo 14 ya Molao-theo wa Naga wa Metsi jaanong o tlhoka semolao gore go tlhomiwe ditsamaiso tsa go disa le ditsamaiso tsa tshedimosetso tsa mefuto yotlhe ya metswedi ya metsi.

Togamaano ya Naga ya Motswedi wa Metsi e tla diragatsa ditlhokafalo tseno ka ditsela di le pedi: ka go oketsa kgolagano ya naga e e leng teng ya go disa le go dira le go tokafatsa ditsamaiso tsa tshedimosetso.

12.1 Ditsamaiso tsa go disa

Lephata leno le setse le disa boleng jwa metsi mo nageng eno ka metlha, mo metsing a a fa godimo le a a kafa tlase, mme kgolagano e tlhoka go okediwa go disa dikarolo tse dingwe tse di tshwanang le ditshidinyana tse di bakang leswe, marang a motlakase le dilo tse di nang le botlhole. Go disa go sekaseka gore a badirisi ba metsi ka bongwe ba dira tumalanong le maemo a dilaesense tsa bone gape go tlhola gore a boleng jwa metswedi ya metsi bo nyalana le boithomo jwa boleng jwa motswedi oo jo bo tlhometsweng motswedi oo. Go tswa foo go tsewa dikgato tsa go siamisa, go akaretsa go sekisiwa fa go tlhokegang teng.

Lemororo Afrika Borwa e na le kgolagano e e siameng thata ya go disa boleng jwa metsi, re tla tlhoka go tokafatsa le go godisa kgolagano ya naga ya go disa go tsamaisana le ditlhokafalo tsa Molao-tlamo ono. Tsamaiso e e leng teng ya go phepafatsa le yone e tla tlhoka go godisiwa.

12.2 Ditsamaiso tsa tshedimosetso

Mo nakong eno Lephata leno le tlhatlhoaba ditsamaiso tsa lone tsa tshedimosetso. Mefuta ya tshedimosetso e e tlhokegang e akaretsa ya go elela ga metsi a a fa godimo, boleng le bogolo jwa metsi a a kafa tlase le tiriso ya metsi le ditettlelelo. Ditsamaiso tsa naga di tla rulagangwa gore Mekgatho ya Taolo ya Matamo, fa e sena go tlhomiwa, di sikare boikarabelo jwa taolo ya tshedimosetso mo mafelong a taolo ya metsi, gammogo le go kgona go bona tshedimosetso e e tswang mo mafelong a a gaufi. Ditsamaiso tse nne tse dikgolo tsa Lephata leno di dirisana le metsi a a fa godimo, metsi a a kafa tlase, boleng jwa metsi le ditettlelelo tsa bolaodi jwa tiriso ya metsi.



Tshedimosetso e e mo ditsamaisong tsa Lephata leno tsa tshedimosetso e ka bonwa ke mongwe le mongwe. Mo godimo ga moo, Molao-theo ono o tlhoka gore motho ope fela, yo o ka kopiwang ke Tona, a neye tshedimosetso e e ka thusang mo bolaoding le tshireletsong ya metswedi ya metsi. Go ka nna ga kwalwa melawana ka seno.

13. TSHIRELETSEGO YA BATHO

Boikarabelo jwa Lephata leno ke go laola merwalela, tshireletsego ya matamo, komelelo le kgotlelo, go akaretsa kgotlelo e e ka bakang malwetsi a a tshwanang le kholaro. Merwalela e e bakwang ke pula e ntsi kgotsa go thubega ga letamo, komelelo le go kgotlelwa ga metsi mo go bakwang ke dilo tse di nang le botlhole le ditshidinyana le di-vaerase tse di bakang malwetsi, di ka nna le ditlamorago tse di kotsi.

Mo nakong e e fetileng, naga eno e ne ya dirisana le dikudumedi di setse di diragetse,, kgotsa ya dirisana le ditlamorago tsa tsone. Mo nakong e e tlang, go tla nniwa pudimatseba go laola dikudumedi go sireletsa batho mo dikudumeding tsa tlhologo le mo dikudumeding tse di bakwang ke ditiro tsa bato, le go fokotsa ditlamorago tsa tsone.

Tsela eno ya go nna pudimatseba e tswa mo Molao-tlamong wa Taolo ya Dikudumedi tsa Naga o moshao o o tshwanetse go dumelelwa go dirisiwa ke Palamente ka 2002. Molao-tlamo ono o tlhalosa sentle gore naga eno e tshwanetse go ipaakanyetsa ka mo go oketsegileng go dirisana le dikudumedi. Gape o bolela gore re tshwanetse go fokotsa gore dikotsi tsa dikudumedi di diragale, re tshwanetse go fokotsa bomaswe jwa ditlamorago tsa tsone fa di diragala le gore re tshwanetse go fokotsa gore batho ba tlhaselesege motlhofo, segolo jang bahumanegi le ba ba tlhokileng thuso.

Lephata leno le tla nna motshwaragani mo Thulaganong ya Naga ya Taolo ya Dikudumedi eo e tla tlhomiwang mme boikarabelo jwa lone e tla nna go dira dikarolo tse di malebana le metsi. Ka baka la boikaelelo jono, Lephata leno ke lone le le tshwereng marago mo go direng ditshwantsho tse di tla bontshang mafelo a naga eno a a ka welwang motlhofo ke dikudumedi tsa tlhologo. Lephata leno gape le sekaseka go tlhoma lephata le le tlhoafetseng la tshireletsego ya batho go dirisana le dikudumedi le dilo tsa tshoganyetso tse di ka diragalang mo bolaoding jwa metswedi ya metsi, ditirelo tsa metsi le dikgwa.

14. TOGAMAANO YA NAGA MALEBANA LE METSWEDI YA METSI E TLA DIRISIWA LENG?

E setse e simolotse go dirisiwa, mme e tla tswela kgato ka kgato mo e ka nnang dingwageng tse 20. Ka gonne ditiro tsa yone tse dintsi di le dikgolo e bile di raraane, thulaganyo e e akantshiwang eno ga se e e ka se fetogeng.

Thulaganyo eno e tla tlathlobiwa go ya ka boitemogelo jwa nako ya dingwaga tse tlhano tsa Tokololo ya Ntsha ya Togamaano Malebana le Metswedi ya Metsi, mme e tla baakanngwa morago ga dikakgelo tsa batho, mme e tla tlathlobiwa morago ga dingwaga dingwe le dingwe di le tlhano. Ditiro tsa go e dirisa di thalosiwa fa tlase fano.

14.1 Ditiro tsa taolo ya go diragadiwa le go tlhomiwa

Ditiro tsa taolo ya go diragadiwa le go tlhomiwa ke ditlhokafalo tse disha tsa Molao-tlamo tse di tsa diragadiwang gangwe fela. Di thomagantswe mo Tlhomaganyo 1 gammogo le dinako tse di tshwanetseng go dirwa ka tsone.

Tlhomaganyo 1. Nako ya ditiro tsa taolo ya go diragadiwa le go tlhomiwa. Dingwe tsa tsone di setse di simolotse. Matlha a go solofelwang gore di tla bo di digetswe ka one le one a bontshitswe tlhomaganyong eno.

Tiro	Letlha le tigelo e solofelwang ka lone
Dilaesense tse di patelesegang	Magareng ga 2007 le 2020, go ikaegile ka WMA**
To tlhomiwa ga Mekgatlho ya Taolo ya Matamo	Magareng ga 2003 le 2011, go ikaegile ka WMA
Go abiwa ga ditiro le go dira gore ditlamelo-botshelo e nne tsa mekgatlho ya taolo ya metsi	Magareng ga 2005 le 2012, go ikaegile ka WMA
Go tlhomiwa ga Mekgatlho e mesha ya Metsi	Magareng ga 2002 le 2003, go ikaegile ka WMA
Go okediwa ga dikgolagano tsa go Baya leitho	Magareng ga 2007 le 2012, go ikaegile ka kgolagano
Go tlhomiwa ga ditsamaiso tshedimosetso	Magareng ga 2002 le 2007, go ikaegile ka tsamaiso

*WMA – Mafelo a Taolo ya Metsi (bona Setshwantsho 3 pelenyana)

14.2 Go agiwa ga ditlamela-botshelo tse di bonalang

Lephata leno le sekasekile botlhokwa jwa go agiwa ga matamo a le mmalwa le, fa go tlhokega, ditlamelao-botshelo tse di tshwanang le mafelo a go pompa metsi, diphaepe le ditsamaiso tsa metsi, go lepalepana le ditlhokego tsa nako e e tlang (bona Tlhomaganyo 2). Madi otlhe a a fopholediwang a ditsamaiso tseno e ka nna R12 billion mo dingwageng tse 25 tse di latelang. Seno se akaretsa go fudusetsa metsi a oketsegileng mo tsamaisong ya Noka ya Vaal, a ba a isiwa kwa lefelong la Richards Bay, go ya go dirisetswa ditlhokego tse go akanngwang gore di tla nna teng le ditlhabololo.

Tlhomaganyo 2. Ditiro tse di akanyediwang mo nakong e e tlang tsa metswedi ya selekanyo se segolo ya metsi

Leina la Tamo/Tsamaiso	Noka	Tiriso	Letlha le le akanyediwang pele
Go thatlisiwa ga Letamo la Tzaneen le la nWamitwa	Letaba	Nosetso, mo ntlong	2007
Letamo la Embiane	Black Mfolozi	Nosetso, mo ntlong	2009
Letamo la Vioolsdrif	Orange	Nosetso, tokafatso ya go dira ga Tsamaiso ya Noka ya Orange.	2012
Go thatlisiwa ga Letamo la Clanwilliam	Olifants	Nosetso	2009
Letamo la Melkboom	Doring	Nosetso	2011
Kgodiso ya Letamo la Flag Boshelo mo di-WMA tsa Olifants le Limpopo	Olifants	Meepo, motse-setoropo, madirelo	2005
Letamo la Rooiport	Olifants	Meepo, mo ntlong (motse-setoropo le motse-selegae)	2010
Letamo la De Hoop	Steelpoort	Meepo, mo ntlong	2008
Letamo la Mountain View	Kaap	Mo ntlong, nosetso	2012
Boekenhoutrand	Komati	Go dirwa ga motlakase, nosetso	2012
Letamo la Springgrove le mosele wa metsi	Mooi	Fudusetsa kwa tsamaisong ya Umgeni, Motse-setoropo, madirelo.	2010
Letamo la Klip River	Klip River	Motse-setoropo, madirelo, go dirwa ga motlakase	2009
Letamo la ISithundu	Mvoti	Ditiro tsotlhe	2008
Letamo la Grobbelaars	Grobbelaars	Motse-setoropo, Madirelo	2010
Tiro ya Berg Water	Berg	Motse-setoropo, Madirelo	2008

14.3 Go Diragadiwa ga ditumalano tsa go arogana metsi le dinaga tse dingwe

Afrika Borwa e arogana dinoka tse dikgolo tse nne le dinaga tse thataro tse e bapileng le tsone:


- Tsamaiso ya Orange-Senqu o e arogana le Lesotho le Namibia.
- Noka ya Limpopo o e arogana le Botswana, Zimbabwe le Mozambique.
- Tsamaiso ya Incomati o e arogana le Swaziland le Mozambique.
- Tsamaiso ya Usutu/Pongola-Maputo o e arogana le Mozambique le Swaziland.

Ka 2010, Lephata leno le ikaelela gore le bo le feditse dipatlisiso tsa metsi a a tlhakanetsweng le dinaga tse dingwe le gore le bo le digetse ditumalano tsa semolao tsa go tlhoma mekgathlo ya dinaga ya taolo ya metsi go laola metsi ano.

15 KAKGELO YA GAGO KE YA BOTLHOKWA

Re ka seka ra fitlhelela ponelopele ya rona ya taolo ya metswedi ya metsi sentle ka bonako fela – Togamaano Malebana le Metswedi ya Metsi e bontsha tsela ya go tswelapele mo dingwageng tse di ka nngang 20 go ya go 25 tse di tlang. Re tla diragatsa dikarolo tsa ponelopele ya rona tse di kgonegang, kgato ka kgato ka nako e e rileng.

Go itshetlegile ka Ma-Afrika Borwa otlhe, bao ba direlang puso, bao ba leng mo makgotlenga taolo ya metsi le badirisi ba metsi botlhe, go tsaya karolo mo boitekong jono jwa naga otlhe. Ka jalo go akgela ga gago mo Togamaanong eno e e akantshiwang go botlhokwa.



Dikopano tsa go botsa morafe

O kgothalediwa go tsaya karolo mo go e le nngwe kgotsa go feta ya dikopano tse di tlhomaganntsweng fa tlase fano.

Dipokano tseno di tla naya banaleseabe tshedimose tse e e oketsegileng malebana le seo se tshwerweng ke Togamaano Malebana le Metswedi ya Metsi le seemo sa metsi sa jaanong le sa nako e e tlang mo Mafelong a Taolo ya Metsi a bone (WMA). Kwa dipokanong tseno, banaleseabe ba ka botsa dipotso mme ba/kgotsa ba akgela.

Kopano nngwe le nngwe ya go botsa morafe e tla nna le karolo e e bulegetseng mongwe le mongwe eo mo go yone badiri ba Lephata leno ba tla dirisang ditshwantsho go tlhalosa dikarolo tse di raraaneng tsa Togamaano eno ka tsela e e motlhofo le ka puo ya lefelo leo. Fa e le gore wena kgotsa ditsala/kgotsa baberiki le wena o ka batla go nna teng mo go nngwe ya dikopano tseno, tswee-tswee tlatsa foromo e e tsentsweng mono o bo o e busetse Public Consultation Office.

Tlhomaganyo 3. Thulaganyo ya Dikopano tsa go Bodiwa ga Batho tsa WMA.

WMA NO	WMA	MATLHA	KAE
1	Limpopo	29 October 2002	Polokwane
2	Luvubu/Letaba	30 October 2002	Thohoyandou
3	Crocodile (West) Marico	17 September 2002 18 September 2002	Midrand Rustenburg
4	Olifants	1 October 2002	Witbank
5	Mpumalanga	3 October 2002	Nelspruit
6	Usutu to Mhlatuze	19 November 2002 20 November 2002	Richards Bay Vryheid
7	Thukela	16 October 2002	Ladysmith
8	Upper Vaal	19 September 2002 20 September 2002	Vereeniging Carletonville
9	Middle Vaal	8 October 2002	Welkom
10	Lower Vaal	29 October 2002	Kimberley
11	Mvoti to Umzimkulu	15 October 2002	Pietermaritzburg
12 27	Mzimvubu to Keiskamma	26 September 2002 September 2002	East London Umtata
13	Upper Orange	10 October 2002	Bloemfontein
14	Lower Orange	31 October 2002 7 November 2002	Upington Springbok
15	Fish to Tsitsikamma	22 October 2002	Port Elizabeth
16	Gouritz	24 October 2002	Oudtshoorn
17	Olifants/Doorn	13 November 2002	Clanwilliam
18	Breede	3 October 2002	Worcester
19	Berg	2 October 2002	Stellenbosch

EASTERN CAPE

DWAF Area Office: Cradock
DWAF Area Office: Eastern London
DWAF Regional Office: Kings William Town
DWAF Area Office: Port Elizabeth
DWAF Area Office: Umtata
Grahamstown Public Library

FREE STATE

City Library: Bloemfontein
DWAF Regional Office: Bloemfontein
Welkom Public Library

GAUTENG

Carletonville Library
Office: Pretoria
DWAF Area Office: Pretoria
DWAF Area Office: Potchefstroom
Johannesburg / Germiston Library
Soweto Library

KWAZULU-NATUL

Dundee Public Library
DWAF Regional Office: Durban
Empangeni Public Library
Natal Society Library in Pietermaritzburg
Newcastle Public Library
Richards Bay Public Library

LIMPOPO

DWAF Regional Office: Polokwane
Louis Trichardt Public Library
Mussina Public Library
Phalaborwa Public Library
Thohoyandou Public Library
Tzaneen Public Library

MPUMALANGA

AWARD NGO Office (Acornhoek)
Barbeton Public Library
DWAF Area Office: Glibersdal

MPUMALANGA

DWAF Regional Office: Nelspruit
DWAF Office: Tsonga, Malekutu, Eerstehoek
Mvula Office NGO (Nelspruit)
Glibersdal Public Library
Mziti Agricultural Centre
Nelspruit Public Library
Secunda Public Library
Witbank Public Library

NORTHERN CAPE

Calvinia Hantam Municipality Office
De Aar Emthanjeni Municipal Offices

DWAF Regional Office: Kimberly DWAF Head
WAF Area Office: Upington
Namaqua District Municipality Offices
Northern Cape Agricultural Union, Upington
Prieska Public Library
Springbok Public Library
Vryburg Public Library

NORTH-WEST

DWAF Area Office: Hartebeespoort Dam
DWAF Regional Office: Mmabatho
Groot Marico Public Library
Kerksdorp Public Library
Litchenburg Public Library
Resturnburg Public Library

WESTERN CAPE

Beaufort West Public Library
DWAF Regional Office: Bellville
DWAF Area Office: Clanwilliam
DWAF Area Office: Worcester
Caledon Public Library
Goerge Public Library
Hermanus Public Library
Lambertsbaai Public Library
Library of Parliament in Cape Town
Oudtshoorn Public Library
Wintzenberg Municipality